



Broj: 17-14-33216-51

Datum: 27-04-2018

Na osnovu člana člana 64. stav (1) tačka (a), člana 70. stav (1), (3) i (6) i člana 72. stav (3) tačka a („Službeni glasnik BiH“, broj 39/14), a u vezi sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst), načelnik Stručne službe za zajedničke poslove Kantona Sarajevo, u postupku javne nabavke ustupanja usluga osiguranja uposlenika Kantona Sarajevo, donosi

ODLUKU

o izboru drugorangiranog ponuđača u postupku javne nabavke ustupanja usluga osiguranja uposlenika Kantona Sarajevo

Član 1.

Ovom Odlukom se poništava Odluka o izboru najpovoljnijeg ponuđača broj: 17-14-33216-40 od 10.04.2018. godine i ugovor za javnu nabavku ustupanja usluga osiguranja uposlenika Kantona Sarajevo dodjeljuje se ponuđaču **“ASA OSIGURANJE”** d.d., ponuda broj: 11-2703/18 od 27.03.2018. godine, za ponuđenu cijenu u iznosu od 102.697,60 KM bez PDV-a i rokom isplate osigurane sume od jednog (1) dana, kao drugorangiranom najpovoljnijem ponuđaču.

Član 2.

Izabrani ponuđač se oslobađa obaveze dostavljanja dokumenata zahtijevanih tenderskom dokumentacijom u otvorenom postupku javne nabavke iz čl. 45. i 47. Zakona o javnim nabavkama („Službeni glasnik BiH“, broj 39/14)(u daljem tekstu: *Zakon*), iz razloga što su isti dostavljeni zajedno sa ponudom i formalno pravno prihvatljivi.

Ukoliko izabrani ponuđač u pisanoj formi odbije dodjelu ugovora, propusti potpisati ugovor o nabavci u roku koji mu je odredio ugovorni organ ili odbije zaključiti ugovor pod uslovima navedenim u tenderskoj dokumentaciji i ponudi koju je dostavio, ugovor za javnu nabavku dodijeliti će se sljedećem rangiranom ponuđaču u skladu sa članom 72. stav (3) Zakona.

Član 3.

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

Obrazloženje

Otvoreni postupak javne nabavke pokrenut je Odlukom o pokretanju postupka javne nabavke broj: 17-14-33216-34 od 12.03.2018. godine – "Ustupanje usluga osiguranja uposlenika Kantona Sarajevo". Procijenjena vrijednost javne nabavke bez PDV-a iznosi 150.000,00 KM. Za predmetnu



nabavku objavljeno je obavještenje o nabavci na portalu javnih nabavki pod brojem 1230-1-2-32-3-19 od 12.03.2018 i „Službeni glasnik BiH“ broj 18 od 16.03.2018.

Odlukom o izboru najpovoljnijeg ponuđača broj: 17-14-33216-40 od 10.04.2018. godine, kao najpovoljnijem ponuđaču u postupku javne nabavke ustupanja usluga osiguranja uposlenika Kantona Sarajevo dodjeljen je ugovor dobavljaču „UNIQA OSIGURANJE“ d.d. Sarajevo, ponuda broj: 20180326-0022-000056 od 26.03.2018. godine, za ponuđenu cijenu u iznosu od 92.835,20 KM bez PDV-a i rokom isplate osigurane sume od jednog (1) dana.

Svim učesnicima u postupku predmetne javne nabavke dana 10.04.2018. godine, dostavljeno je Obavještenje o rezultatima postupka javne nabavke, Odluka o izboru najpovoljnijeg ponuđača broj: 17-14-33216-40 od 10.04.2018. godine i Zapisnik Komisije za javne nabavke o pregledu i ocjeni ponuda broj: 17-14-33216-39 od 05.04.2018. godine.

U skladu sa Zakonom, tenderskom dokumentacijom i Odlukom o izboru najpovoljnijeg ponuđača broj: 17-14-33216-40 od 10.04.2018. godine, izabrani ponuđač „UNIQA OSIGURANJE“ d.d. Sarajevo bio je dužan da u roku od 5 (pet) dana, računajući od dana dostavljanja Odluke o izboru najpovoljnijeg ponuđača dostavi orginale ili ovjerene kopije dokumentacije iz člana 45. stav (1) tačaka a) do d) Zakona, ovjerene kopije dokaza po članu 46. Zakona, kao i originalne dokaze ili ovjerene kopije po članu 47. Zakona.

Izabrani ponuđač je u predviđenom roku propustio dostaviti dokaze iz člana 45. stav (2) tačke c) i d) odnosno „uvjerenja nadležnih institucija kojim se potvrđuje da je kandidat/ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje“ i „uvjerenja nadležnih institucija da je kandidat/ponuđač izmirio dospjele obaveze u vezi s plaćanjem direktnih i indirektnih poreza“.

U skladu sa članom 72. stav (3) tačka a) Zakona, Ugovorni organ dodjeljuje ugovor drugoplasiranom ponuđaču „ASA OSIGURANJE“ d.d. Sarajevo.

Iz navedenih razloga, primjenom člana 70. stavovi (1), (3) i (6). i člana 72. stav 3. tačka a) Zakona odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Pripremila: Azra Sipović

Kontrolisao: Sedin Kozadra, dipl.ecc



Fikret Jasarević

Dostaviti:

1. Ponuđačima
2. a/a

web: <http://vlada.ks.gov.ba>

e-mail: sszp@sszp.ks.gov.ba

Tel: + 387 (0) 33 562-094, Fax: + 387 (0) 33 562-220

Sarajevo, Reisa Džemaludina Čauševića 1

